

金峯山通玄子啟真集序

夜上

竊以欲正春夏秋冬者必得指而可知欲達
 微妙玄通者必藉言而可悟奈言語者心識
 之影文字者言語之影意為心影言為心響
 終無真體而理可窮及微妙雙泯絕盡百非
 無一法可親者易用乎言蓋理非言銘則若
 魚無筌而魚莫之求兔非蹄而兔無以得大
 抵言者魚兔之筌蹄足以紀綱至道匡轄仙
 機詎可忘之是以聖人作而迷陰符道德發
 揮妙本之精賢者擬聖作書制沖虛南華之
 經務啓迪後覺入聖超凡何不假言而為况
 近朝五真派別教闡多方丘劉著磻溪仙樂
 之真譚馬目金玉水雲之號靡不鼓唱玄風
 煥明智鑑如霜天皓月普現千潭使彼味道
 者咀嚙膏腴識趨向而不陷迷津豈不以因
 言而明理哉而後攀龍鱗附鳳翼詮道垂訓
 拯溺指迷者予於通玄師見之矣師姓劉氏
 諱志淵西慈高樓里人生而慈愍幼慕宗風
 大來契典莫不精研長值道運勃興群教釋
 鄙遇超然子授以願真素素見性識心無為

啟真集序

之旨於是捨衆人之所愛收衆人之所棄慨
 然而運諸重玄入衆妙之門一咲而三觀虛
 淨再味而八面玲瓏屢現化身一途生死其
 天機妙道已印於胸中凡聲咳文詞形容翰
 墨可謂駢珠驪玉非雕蟲篆刻而成飄飄然
 出旁羅搜索之表真學者之指南寔大筆手
 為之難一詞一詠隻字片言志在抉育剔贖
 俾有所受用非特獨善其身而為之斯文未
 振一旦遺世六探信通近破淫丸無形昇入
 厥有著述寂寥無聞門人平水李臺恐綿遠
 湮滅歷訪晉并得諸友口誦者一二洎劉志
 堅錄帙者十得之八九矣乃擬遺而鳩集一
 編整比義類列成三帙目曰啟真袖示於僕
 求校而再囑為序引薦幾刊行以廣其傳再
 四披玩灼然文理基布妙趣星分可以挈行
 昏衢者入大光明清淨鄉非心珠朗徹出天
 地之外者曷至於耶僕雖預道胤造道易
 髯慊才輕蟬翼辭短蛙鳴安敢擊布鼓於雷
 門執辭不獲己姑以俚語道先生才藻軌範
 之萬一耳時太歲甲辰仲呂下旬有二日紀

之卷首同羊盡忠里鳳原老人董師言題